

أذنين لا يسمع

سونون

جميع حقوق الطبع والنشر محفوظة

الطبعة الأولى يناير ٢٠١٩

الكتاب : أنين لا يُسمع

الكاتب : سهام مصطفى

تدقيق لغوي : جهاد النجدي

تصميم الغلاف : عماد رشدي

رقم ايداع: 21716

ترقيم دولي: 978-977-85439-8-8

دار سنون للنشر والتوزيع

الزقازيق - الشرقية - مصر

٠١٠١١٤٦٤٠٣٧

sonon.pub@gmail.com

أذنين لا يسمع

سنة

سنون للنشر و التوزيع

سهام مصطفى

الرسالة وصلت !

سمعت زوجها يتحدث ذات مرة في إحدى الزيارات العائلية لبيت والده مع أخوته عن المرأة المثقفة العاملة وكيف يكون لها سحرٌ خاص فأحست بالإحباط الشديد وأنتابها الحزن والضيق في قلبها , وبعد أن عادت إلى البيت وبعد أن نام زوجها وأولادها أخذت تبكى مع نفسها وشعرت بأنها لا شئ وأحست بأنها لم تعد تعجب زوجها وربما يفكر بالزواج من أخرى في يوم من الأيام, فأخذت تبكى وتبكي . . حتى قررت أن تقوم تتوضأ وتصلى ركعتين لربها وتشكو له ما بها وبالفعل أخذت تدعو وتدعو وتبكي وتفكر واستمرت على هذا الحال عدة أيام إلى أن جاءت في يوم تحدث نفسها وتراجع معها ما حدث لها في السبع سنوات الماضية , فأتت بقلم وورقة وأخذت تكتب وتحصى ما مضى . . فكتبت

تخرجت وتجاوزت وحملت وتعبت وخلفت وسهرت وربيت وعلمت وراعت بيت وزوج وأولاد , تعلمت الطبخ وبقيت ست بيت شاطرة , بيتي دائماً نضيف وجوزي حاجته كلها جاهزة دائماً وأولادي كويسين ومتربين والناس بتشكر فيهم وفي أدبهم , مش ناقصني غير حاجة واحدة بس . . أنا . . . أنا فين من ده كله , ثم نظرت إلى المرآه , فوجدت وجهها شاحباً وشعرها تالفٌ وثيابها قديمة . . . ياااه , معقولة دي علياء . . أنا ليه بقيت عاملة كده وليه أصلا عملت في نفسى كده . . كل اليّ شاغلني بيتي وجوزي وعيالي , مفيش فلوس أنا اليّ أشيل الهم, في فلوس تروح علي

البيت والعيال . . أنا اليّ شايلة هم وتفكير في كل حاجة . . ليه حق صلاح
ميشوفنيش وإن شافني يشوفني وحشة ومهملة . . بس ازاي مش شايف
إني ست بيت شاطرة ومش مخلياه محتاج حاجة وإني شايلة عنه كثير ,
تربية وتمرين وحضانات وشرا لبس ولوازم البيت . . بس تمام . . عادى . .
أنا لازم أّتغير وحاجات كثير تتغير
وفي اليوم التالي . .

-صلاح . . معلش سيب فلوس النهارده محتاجة أّشترى شوية حاجات
-ماشي

-آه وانت راجع ابقى عدى هات الأولاد من الحضانة . . أصل أختي محتاجاني
أساعدها في شوية حاجات أصلها عاملة عزومة كبيرة لأهل جوزها وكده
-عزومة إيّه!! . . ومن امتي وانا بحيب الأولاد من الحضانة
-عادى يعنى يا حبيبي ما أنا كل يوم أنا اليّ بجيهم ماجتش على يوم أختي
محتاجاني فيه

-تمام . . بس ياريت متتأخريش . . أنا ببقى راجع تعبان

-حاضر . . انت بس ابقى اعملهم ساندوتشات جبنة وخيار اليّ بيجبوها
-علياء . . . متتأخريش

-حاضر

-سلام

-مع السلامة

وبالفعل بعد أن يخرج . . تمسك هاتفها وتطلب أختها وتتفقا على موعد
للنزل . . وبعدها تقوم بتحميل تطبيقات لأخبار العالم وأخبار ثقافية
ومعلومات عامة على هاتفها

تذهب إلى الكوافير مع أختها وهناك تطلب تغيير لون شعرها وتضع لها
الماسكات على وجهها وهكذا . . ثم تذهب لشراء بعض ملابس البيت
الجديدة وأثناء عودتها إلى البيت تشعر بثقتها في نفسها , وعندما تعود إلى
المنزل تجد زوجها مزمجراً من تعبته مع الأولاد فلا تأبه له
-انتِ اتأخرتي كده ليه يا علياء . . أنا تعبت

-ده بدل ما تقولي كتر خيرك يا مراقي يا حبيبتي إنك كل يوم في الموال ده . .
عموماً تمام هغير واجهزلكوا الغدا
ثم تدخل لترتدي الملابس الجديدة وتضع القليل من المكياج وعندما يراها
-هو ده بقي الي أخذتي فلوس علشانه الصبح؟!
-آه . . وحش !!

-لأ حلو
وبعد أيام . . أفتنته أن تذهب لأخذ كورس لغة انجليزية . . وبعد
مرور أسبوعين من ذهابها وأثناء جلوسها بجوار زوجها أمام التلفاز تفوجئ
باتصال وارد من رقم غريب فتجيب
-ألو . . أيوه مين معايا . . أحمد ! . . أحمد مين؟!
-أحمد مع حضرتك في الكورس
-أيوه . . حضرتك جبت رقمي مينين ؟

-مش ده المهم . . المهم إني كنت عاوز حضرتك في موضوع . . وبصراحة
معرفتش أقوله وجهاً لوجه . . ففضّلت إني أقوله في التلفون
فينتبه زوجها ويطلب منها أن تفتح السماعة الخارجية
-اتفضل

-بصراحة أنا متابع حضرتك من بداية الكورس . . لفتى نظري بأسلوبك في

الحوار وثقافتك . . وشيك وأموره ومحترمة وبتتكلمي في حدود . . فلو
مكنش عندك مانع أو مش مرتبطة أنا ممكن اجي أقابل والدك ويبقى في
بيننا حاجة إن شاء الله

- (بمنتهى التوتر) أستاذ أحمد حضرتك لاحظت حاجات كثير جداً بس
ملاحظتش الدبلة الـي في ايدي

-دبلة ؟ دبلة ايه يا فندم أنا بصيت في ايد حضرتك اليمين ملقيتش حاجة
-لا حضرتك دي في الشمال . . أنا متجوزة وعندي ولدين
-نعم ؟ ازاي ؟ مش باين عليكِ خالص !! .

-أستاذ أحمد أنا آسفة مش هينفع أكمل المكالمة مع حضرتك خلاص . .
مع السلامة

وبعدما تغلق الهاتف يقول لها زوجها غاضباً

-نعم يا ختي ؟ انتِ بتروحي الكورس علشان تتعاكسي وتتسامري وتجيبي
عرسان وتيجي . . أتاريكي رايحة تهزري وتستعرضي نفسك

-لا يا صلاح الظاهر إنك مأخذتش بالك من الكلام كله وسمعت الـي على
مزاجك وبس وكرامتك نقحت عليكِ أوى . . ومأخذتش بالك إنه قال إني
عاملة حدود بيني وبين الكل زي لما مأخذتش بالك إني اهتميت بنفسي
علشانك انت وبس زي ما برده عمرك ما خدت بالك إني مراعية البيت
والأولاد وشايلة عنك حمل كبير وانت لا انت هنا وفي الآخر برده مش واخذ
بالك إن مراتك ست محترمة بتحافظ عليكِ وعلى نفسها ,, انت ايه يا أخي
. . انت ازاي كده . . (وتتركه وتمشى لتبكي في غرفتها)

وفي اليوم التالي . . كانت هناك زيارة مرتبة من ذي قبل في بيت والدته
. . فذهبا وكل منهما لا يتحدث مع الآخر وهناك أشاد الجميع بجمالها

وشياكتها واهتمامها بنفسها فشكرتهم جميعاً وبعد الغداء جلس الجميع لشرب الشاي ، وأثناء الحديث كانت ترد على إخوة زوجها في الحديث عن السياسة والرياضة والفن ، وبعد قليل أطلق أخاه الأكبر دعابة عن المرأة والرجل ، فوجدت نفسها ترد قائلة

-عارف يا دكتور من ضمن الفروق بين الرجل والست إيه . . إن الرجل مبيشبعش مع احترامي يعنى . . لو مراته اهتمت بيبتها . . بس دي مهملة في نفسها , لو اهتمت بنفسها . . لا دي مش مُثقفة , لو اهتمت لو عملت . . تلاقى الرد دائماً جاهز لا بس دي ناقصها كذا طول الوقت يفضل يدور على الناقص علشان يبرر لنفسه أي حاجة ممكن يعملها أهمها الجواز أو الخيانة . . . لكن الست بكفيها حاجة واحدة بس , الاهتمام ، إن جوزها طول الوقت يبقى شايفها حلوة انه يقولها انتِ حلوة ويقدرها ويقدر اليّ بتعمله . . . الحاجات دي بتكون زي المية اليّ بتروي الزرع بتفضل ترويها فتحلو وتحلو . . لكن قلتها بتخليها تدبل وتدبل لحد ما تموت حتى وهى عايشه

-الحق يا صلاح . . مراتك بقت فيلسوفة هههه
-(فينظر لها) هيّ طول عمرها فيلسوفة . . أمال أنا حَبْتها وتجاوزتها ليه . .
دي يا عم جالها عريس انبارح
-هههههههه . . لا بجد . . مبروك يا أبو صلاح
-(فيضحك ويضحك الجميع)
ثم بيعث لها رسالة على هاتفها
- حقك عليا . . . أنا آسف . . بحبك . . والرسالة وصلت -
فتنظر له بابتسامة حب وامتنان

حكم بالموت !!

في شقة أنيقة ومرتبة يدخل رجل من الباب فيجد زوجته جالسة على الكرسي في الصالة

-مساء الخير

-مساء النور (بضيق خفيف)

-إيه مالك؟! (وينظر إلى يدها فيرى ورقة تحاليل).. إيه ده هي نتيجة التحاليل ظهرت؟

-أيوه

-وزعلانة ليه كده.. إيه.. طلع مش حمل.. وطلعتي بتدلعي (ابتسامة)
-لا والحمد لله انه مش حمل

-ليه كده... مش عايزة تجيبي أخ لسلمى... هي فين صحيح؟!
-عند ماما

-ليه!?!

- (فتقف) قول لي يا محمود... انا قصرت معاك في إيه؟
-مش فاهم

-لا انت فاهم... بترجع تلاقى البيت نضيف وزى الفل والأكل جاهز وانا وبتتك نضاف ومستنيينك.. وفي السرير.. بتقول اني كويسة مش كده؟!
-ايوه... إيه لازمة الكلام ده دلوقتي؟!
-قول لي يا محمود (بنفس الهدوء والثبات الانفعالي) عرفت تعملها ازاى

... یعنی لا عمره بان عليك ولا عمرک تأخرت عن مواعيدک . . ولا أي
حاجة من الحاجات اليّ كانت ممكن تخليني أشك فيك
-اديني سبب واحد يخليك تخوني ويا ترى بقي هيّ واحدة بس ولا
كذا واحدة عارف انت . . انت أناني أوى يا أخي (وهي تبتم
بالدموع) انت حتى حرمتني من حقي زي أي واحدة بتعرف ان جوزها
بخونها إني أفكر . . يا تري هسامحك ولا لا ؟ يا تري هطلب الطلاق ولا لا
. أنا تفكيري الوحيد دلوقتي يا ترى بنتي هتتري ازاي من بعدى . . .
ومن بعدك برده على فكرة
- (ثم تمسك ورقة التحاليل) دي نتيجة التحاليل . . . وعارف طلع عندي
ايه . . . ايدز !!!
- ايبيبيبيبيه !!!!!! يعني انا انا انا انا انا
- (تضحك بدموعها) ايوه انت طلعت حد قذر ورمرام أوى يا أخي
مش بس خاين . . .
انا بكرهك . . . وبكره اليوم اليّ عرفتك فيه . . . منك لله منك لله

هذا وماذا يريد ذلك .. وهكذا

إلى أن جاء اليوم أَلذَى عَلِمْتَ فِيهِ بزواج زوجها من أخرى فانهارت وفعلت ما فعلته من صراخ وبكاء . . . حتى جاءت إليها والدتها فانفجرت في والدتها قائلة . . .

-جاية ليه يا ماما جاية تشوفي الخيبة الي أنا فيها

-جاية أخذك انت مش هتقعدى يوم واحد تاني في بيت الندل ده

-مباقاش ينفع يا ماما . . . لو كانت شيلتي خفيفة وحملي خفيف كان

مممكن . . . كنت اطلقت ومقعدتش يوم واحد معاه

-حمل ايه وشيلة ايه !!

-أيوه يا ماما أروح فين أنا وعيالي ولو استحملتونا يوم مش هتستحملونا

التاني . . . ولعلمك (وتمسح دموعها) انت السبب . . . أيوه انت السبب .

. انت الي قعدتي تقولي لي هاتي الواد وبعد ما جبت الواد قعدتي تقولي لي

هاتي تاني وتالت وعاشر . . . فضلتي تقولي لي اربطيه بالعيال . . . أديني أنا

الي اتربط يا ماما مش هو . . . أنا الي حياتي ضاعت ومباقاش ليا عين اطلب

الطلاق انكتب عليا أعيش مع واحد انا مش طايقاه علشان خاني واتجوز

عليا . . .

أنا الي اتربط يا ماما بالعيال مش هو ربنا يسامحك (ثم تنهمر في

البكاء) ربنا يسامحك

بنت اللوا

أمام بوابة إحدى كليات طب الجامعات المصرية تدخل فتاة محجبة فتخضع لتفتيش حقيبتها كالعادة , كل شيء يبدو طبيعياً ماعدا طاقم التفتيش اليوم .. يبدو أنه اليوم الأول لهم في هذا المكان .. فتمسك حقيبتها سيده عبوس الوجه بطريقة غير لائقة وكأنها تتعمد مضايقتها أو أنها تبحث عن شيء لا بد من إيجاده كقنبلة نووية مثلا !!
ثم تقول لها ..

-لا تعالي انتِ كده بقي على جنب .. يا عصام باشا تعالي شوف دي لو سمحت

(فيأتي ضابط برتبة نقيب)

-في إيه ..

-حضرتك دي شكلها مش عاجبني

- (فيتجه ناحية الفتاة) وريني شنطتك

-اتفضل

- (يفتتها بنفس الطريقة) إيه بقي الورقة دي مرحباً بالنور إيه ده

-عادي كان في حفلة في الجامعة بمناسبة السنة الجديدة ووزعوها علينا ..

-الجامعة؟! ... ولا التنظيم؟!

-تنظيم؟! .. تنظيم إيه حضرتك ؟

-انتِ هتستهيلي ولا هتعملهم عليا .. (ويرمى الورقة في وجهها فتقع على

الأرض)

-احترم نفسك واطكلم معايا بأدب

-نعم يا ختي . . وديني لانتِ بايتة في القسم النهاردة علشان تقلِ أدبك
معايا تاني

(ويمسكها من ذراعها بقوة)

- (فتحاول انزالها) انا ريهام كامل السكرى يا حيوان بنت اللوا كامل
السكرى

- (فيتزك يدها مذهولاً ولكن يحاول إخفاء ذلك) انتِ بتهزري معايا كمان
-انت مين انت علشان اهزر معاك ورب الكعبة لأوريك ازاي انت
والهانم دي تتعاملوا معايا كده

فيلتف عدد من الطلاب حولهم . . . ويأتي فرد من أفراد الأمن . .

-معلش يا دكتورة هما ميقصدوش ,, وميعرفوش حضرتك بنت مين
-حتى لو ميعرفوش المفروض يتعاملوا بأدب مع أي حد . . وانا عارفة هما
بيعملوا كده ليه . . . بيعملوا كده لمجرد إن لبسي مش عاجبهم وشايفين
انه يخص فئة معينة . . بس والله ما أنا معدية الموضوع بالساهل
-طيب خلاص هما هيعتذروا لحضرتك ومفيش داعى الموضوع يكبر اكثر
من كده

-لا . . الباشا ينزل يجيب الورقة من على الأرض والهانم مشوفهاش ع
البوابة هنا تاني !!

وبعدين بقي ابقى أفكر هعدي الموضوع ده بالساهل كده ولا لا
ثم هناك في ركن ليس ببعيد عن كل ذلك تقف فتاتان احداهما يبدو على
شكلها أنها كانت تبكى فتقول لها صديقتها . . متزعليش أهو ربنا أخذلك
حقك أهو واتهزأو كويس كل قوى في الأقوى منه بس هما ميعرفوش كده
فترد عليها بأسى والله مش عارفة أفرح ان ربنا جابلي حقي قدام
عينيا ولا أزعل إني مليش ضرر زي البنت دي ومعرفتش اخذ حقي بنفسى !!

خايفة من إيه ؟

في مكان مختص بالنساء المتزوجات ومشاكلهن تجلس مجموعة منهن يتحاورن ويتناقشن حول ما يخيفهن

(أ) أنا خايفة .. بس مش خايفة منه .. أنا خايفة على نفسى من نفسى , خايفة اخون .. ايوه أنا بخاف اخون جوزي بس مش خيانة بالمعنى الكامل .. خايفة ارواح أدور على قصة حب حتى لو وهمية بس المهم أعيشها . . كثير جداً بفكر ارواح أضرب أي رقم وخلص المهم إني اتكلم مع واحد . يسمعي كلام حب يقول لي وحشتيني يقول لي عاملة إيه , إيه أخبارك , صوتك مش عاجبني .. واحد أحكيه تفاصيل يومي يسمعي يضحكني يسألني نفسك في إيه .. بمعنى اصح يعمل كل حاجة كان بعملها جوزي قبل الجواز !

(ب) أنا بقي مش حاسة بالأمان مع جوزي .. مش لحاجة .. غير لأنه راجل .. طول الوقت حاطة قدام عيني إن الرجالة ملهمش أمان وإنهم خاينين بطبيعتهم وإنهم بيحبوا التعدد ومش بتكفيهم واحدة حتى لو بيحبوها .. جوزي بجنبني وانا بحبه ودايماً بيعبر عن حبه ده , بيفسحني , ويخرجني باستمرار , بيساعدني في البيت , ويسمعي كلام حلو (وهى تنظر لسابقتها) .. بس طول الوقت خايفة وحاسة إن كل ده مش دايم وإنه في يوم من الأيام هايتجوز عليا , كثير جداً بفكر إني مخلفش تاني علشان يوم ما يعمل

كده يبقى الجمل خفيف عليا . . واهو ارجع لأهلي بولد واحد أحسن من
اتنين ولا ثلاثة . . . بخاف جداً منه مش علشان هو وحش أو عنده استعداد
للخيانة . . بس لأنه راجل . . مجرد إنه راجل ده مخوفني أوى !!
(ج) أنا بخاف كل أما الأجازة تقرب تخلص وارجع اسافر تاني , الغربة صعبة
أوى بس صعوبتها مش بس في البعد عن بلدك وأهلك وحياتك كلها . .
الصعوبة بتكون إنك طول الوقت شايفة إن قد إيه الي انت متجوزاه ده
انسان أناني من ساعة ما فكر إنه يجيبك بلد غريبة ويحبسك في شقة
ممنوع إنك تنزلي لوحده ممنوع تبص من الشباك ممنوع تعيشي حياتك
الطبيعية وكل ده لمجرد إنك تبقى معاه علشان خدمته وبس . . منتهى
الأنانية !

(د) نظرت لهن جميعاً ثم قالت . . . أنا بقي مش متجوزة ومش مخطوبة
بس بخاف . . بخاف من كل حاجة , بخاف أرتبط يضحك عليا ويسبني
وبخاف أتجوز أعيش كل الي انتوا وغيركوا عايشينه وبخاف متجوزش . . .
الناس وأولهم اهلي ميسيبونيش في حالي ويفضلوا يعاملوني على إني عانس
او فيا حاجة غلط . . . مش عارفة بس تقريباً الخوف والقلق صفة أساسية
عند كل الستات والبنات

ثم قالت مديرة الحوار . . . كل واحدة فينا خايفة من حاجة معينة
وهتفضل خايفة وهتخاف من حاجات تانية بعدين . . بس هنخرج من هنا
وهنكمل حياتنا عادى او هنتظاهر إنها عادى !

الخوف مش هيووقف حياتنا ولا هيخلينا ناخذ قرار أياً كان . . هو بس
هيفضل مسيطر علينا وملازمتنا طول الوقت . . . لمجرد اننا ستات !!

أنا السبب !

بعد أن كانت تنوى على الاكتفاء بطفل واحد فقط لأنها من وجهة نظرها لا تستطيع الاعتناء بأكثر من واحد فهي اختارت أن تتزوج في بلد بعيد عن والدتها بمسافة ساعتين ولم تستطع التخلي عن وظيفتها فطلبت نقل لمدرسة قريبة من بيتها الجديد ، وترى أن متطلبات المنزل كثيرة لا تستطيع تحملها . . . ولكنها فوجئت بعد ثلاث سنوات من عمر طفلها أنها حامل !

فكانت الصدمة والحيرة هل تحتفظ به وسيعينها الله حتماً أم تغضب ربها وتلجأ إلى الإجهاض وبعد بكاء كثير وغضب وعصبية ومحاولات من زوجها لتهدئتها واقناعها ووعود بالمساعدة قررت الاحتفاظ به . . ولكن على مضض ، فمند اليوم الأول وقد تغير مزاجها وأصبحت أكثر حزناً وكآبة وعصبية وإهمالاً أيضاً لبيتها وطفلها وزوجها

-حبيبتي أنا مش عايز منك حاجة ومش عايزك تنضفي ولا تطبخي ولا تعلمي أي حاجة . . كل اليّ طالبه منك انك تسببها على ربنا وتحاولي تبقى تمام زي الأول علشان خاطر زياد بس مش أكثر . . الولد حاسس إنك متغيرة وعصبية بس مش فاهم في إيه بيحصل

-حبيبي . . انت مش نازل ؟ . . يلا من فضلك انزل وسيبنى في حالي . . . ماهو اليّ ايده في المية مش زي اليّ ايده في النار

-تمام . . . انتِ كنتِ عايزة إيه يعني . . . اننا نغضب ربنا ونسقطه !؟

-حبيبي (بعصبية) . . . اتفضل انزل لو سمحت أنا فيا اليّ مكفيني

-تمام سلام

ويذهب لغرفة زياد يجده يلعب بألعابه

-زيزو حبيبي . . . العب بهدوء متعقبش مامي علشان هيّ تعبانة ومش
قادرة تتكلم ولا تلعب معاك .. عارف لو معملتش شقاوة هجيبلك حاجات
حلوة كثير

-هيّ مامي مالها

-مالهاش يا حبيبي . . . مامي هتجيبلك نونو صغير إن شاء الله علشان
تلعب معاه متلعبش لوحداك .. بس هيّ تعبانة شوية وهتبقى كويسة ..
. أنا نازل دلوقتي . . . باي باي

-باي (ويكمل لعب)

وقمر الأيام وهيّ لاتزال على حالتها وإن كانت قد ازدادت سوءًا فيدخل
زياد مثلاً إليها طالباً أي شيء تقابله بعصبية ويطلب منها أحياناً أن تلاعبه
فتفرض . . . وأحياناً أخرى تقول له زياد أنا هدخل أنام علشان تعبانة إياك
تعمل شقاوة ولا تتحرك من مكانك هنا جنبني أو تصحيني

وأحياناً أخرى يسمعها وهيّ تتشاجر مع والده . . . أنا هلاحقها من الشغل
ولا من شغل البيت ولا من زياد ولا من اليّ لسه جاي . . . ده إيه ده ياربي .
ومرت الأيام ووضعت الأم مولودها الجديد وازدادت الأمور سوءًا فأخذت
تفكر في الحياة الجديدة التي تنتظرها والمسؤوليات الجديدة وغيرها من
الأمور المقلقة بالنسبة لها . . . فكانت الحياة بالنسبة لها . . . تعبانة ,
مش قادرة , البيبي ميينيميش , جبت زياد من الحضانة ولسه عايز ياكل
وماصدقت نيمت أخوه ولسه عايزة أعمل الأكل وانضف الشقة بس مازن
مينيميش وحاسة إني مرهقة اوى , مازن طول الليل عياط روحت بيه
للدكتور ومنمتش بقالي يومين ومش قادرة اتحرك وهكذا

وفي يوم من الأيام وبعد مرور خمسة أشهر على قدوم المولود الجديد . .
وضعت مازن الصغير في كرسيه وأمسكته لعبة صغيرة وقالت لزياد
-زياد . . العب جنب أخوك وخذ بالك منه على ما اجهز الاكل اليّ بعمله
. . ماشي

-حاضر

وبعد مرور بعض الوقت يأتي إليها فرحاً مهلاً

-مامي مامي

- (هيّ تغسل الأطباق على الحوض) إيه يا زيزو في إيه يا حبيبي

-مامي . . خلاص انتِ بعد كده هتبقي كويسة ومش هتبقي تعبانة تاني

-ازاي

-مش انتِ من ساعة مازن ماجه وانتِ تعبانة ومش بتعرفي تنامي ومش

بتعرفي تضحكي معانا زي زمان

-اها . . وبعدين

-خلاص مبقاش في مازن . . اضحكي بقى

- (فترك الطبق من يدها بصدمة) يعنى إيه ؟ أخوك فين ؟؟؟

-رميته من البلكونة زي ما برمي المشابك . . وكده محدش هيجيبهولنا تاني

وهنبقي كويسين زي زمان !!

فتقف مصدومة لبرهة ثم تلمم وجهها كثيراً وهيّ تبكي وتصرخ وتنهار

وتجتو على ركبتيها ولا تردد سوى . . انا السبب أنا السبب !!

من بوابة العمارة التي تسكن فيها وقد سعدت بعض السلام تسمع من
يناديه من خلفها
-يا آنسة لو سمحتِ
-فتلتفت لتجده هو فتزد بدهشة وقلق) . . . ايوه
-أنا أحمد
-ايوه (باندهاش أكثر)
-خريج تربية انجليزي . . وبشتغل مدرس في مدرسة إعدادي
-ايوه وأنا مالي . . . حضرتك
-أنا . . . أنا معجب بيكي وعازب أتقدملك
-نعم؟! (وفي بالها . . هو عرف اني كنت ببص عليه ولا ايه !!)
-كنت عازب أقابل باباكي . . . يعنى ونقعد مع بعض نتكلم شوية نعرف
بعض وكده . .
- (بنظرة بلهاء) بابا فوق على فكرة
- (فيبتسم ابتسامة عريضة) لا مش قصدي النهاردة . . أنا ممكن أديكي
رقمي وتحديدلي معاه ميعاد
-بابا فاضي يوم الجمعة بعد العصر
- (تتسع الابتسامة) خلاص تمام . . يبقى ميعادنا يوم الجمعة بعد العصر
إن شاء الله . . . بس كنت عازب أقولك على موضوع الدراي كلين وكده ده
-ماله ؟ !!
-يعنى لتكوني مدايقة إني مكوجي
-هو في مكوجي حلو كده (بصوت منخفض)
-نعم ؟

- لا أبداً .. افكرت حاجة بيني وبين أختي وبعدين وإيه يعنى ..
لا طبعاً مش عيب
- (ابتسامه رضا) طيب .. ممكن أقولك حاجة وبعدها تطلعي على طول
-
- أنا متابعك من أول ماجيتوا هنا . . . لفتى نظري وفضلت متابعك وانتِ
بتذاكري في البلكونة وانتِ بتقفي مع صحابك بره قدام البوابة ممكن
لو سمحتِ مترفضنيش
- أنا لازم اطلع (وتلتفت وبالفعل تصعد فيقول لها بنبرة صوت اعلى قليلاً)
- متقوليش لباباكي إني مكوجي (ابتسامه)
- (وهي تصعد) هقوله إنك مكوجي (وبصوت منخفض قليلاً) بس مُز
- ههههههه سمعتك على فكرة

شوفيني!

تدخل فتاة جامعية من الباب
-حمدالله علي السلامة يا سارة عملتي إيه في الإمتحان ؟
-الله يسلمك يا ماما . . . تمام الحمد لله . . أنا جعانة جداااا
-طيب غيرى هدومك على ماجهزلك الأكل . . . بقولك . . عمتك اتصلت
وقالت انهم هيجوا يقضوا العيد معانا هنا في البلد . . هو أحمد مقالكيش؟!
-لا مكلمتوش من امبارح
-هو فيه كده يا بنتي . . . دي البنات أول ماتتخطب بتكلم خطيها في
اليوم ألف مرة
-عادي يعنى ياماما . . . هو عارف إني مشغولة في الامتحانات
-انتِ ليه دايماً بتحسسيني إنك مغصوبة عليه ؟
-لا يا ماما مش مغصوبة عليه , بس . . . ساعات بحس إني عايزة أكمل معاه
حياتي . . . وساعات بحس إنه زي اخويا . . . يعنى . . . لسه متأقلمتش
-اممممممم دلح بنات يعنى طيب هروح أجهز الأكل
وبعد مرور بضعة أيام . . . يجلس الجميع في غرفة الضيوف, العمة
وزوجها وبناتها وأحمد وسارة ووالدتها ووالدها . . يضحكون ويرحبون
ببعضهم البعض . . . وبعد قليل يهمس أحمد لسارة أنه يريد لها في شيء
وبالفعل يذهبها خارج الغرفة
-كل سنة وانتِ طيبة

-وانت طيب

-الصيام باين عليكِ أوى .. تيجي نتمشى شوية في الأراضي لحد المغرب
ما يأذن

-ماشي

- (وبعد أن يخرجنا) .. مش ملاحظة إنك من ساعة ماتخطبنا مارنتيش عليا
ولا مرة .. وبقالنا يومين ماتكلمناش

- (تنظر إلى أسفل بلا رد)

-بصي ... أنا عارف إنك بتتكسفي .. وعارف كمان إنك مش بتحبيني بس
أنا عايز أقولك حاجة ... أنا بحبك

- (فيحمر وجهها خجلاً)

-ايوه والله بحبك .. ومن زمان جداً .. ومكنتش عارف أبصلك على
إنك بنت خالي وزى أختي والحوارات دي ... لا .. لقيت نفسى بحبك .

. وعمايزك تبقى مرااتي ومصدقتش نفسى لما وافقتي اننا نتخطب .. بس
كنت مستغرب انتِ ازاي وافقتي مع إنك مبتحبنيش .. بس كل اليّ طالبه

منك انك تدي لنفسك فرصة تعرفيني ... وتحبيني... ولو مقدرتيش
صدقيني مش هخليكي تكلمي معايا .. اتفقنا ؟

-اتفقنا

-تعالى بقي نرجع ... وابقى ادعيلي وانتِ بتفطري .. ماشي (ابتسامة)
-ماشي

وبعد الإفطار, يدخل المطبخ لسارة أثناء شربها للماء ، وعندما تتفاجئ به
تنزل الكوب مسرعة

-إيه يابنتي مالك ... عادى يعنى لما اشوفك بتشري (ابتسامة عريضة)

المهم ... إيه رأيك في دي (ويخرج لها سلسلة) ... بصي هيّ مش دهب
... هيّ فضة .. أصلى بحب الفضة أوى بصراحة ... مش عارف انتِ
بتحبيه ولا لا ... بس يا رب تعجبك

-لا دي حلوة جداً ... وأنا كمان بحب الفضة على فكرة (ابتسامه)
-بجد !! طيب كويس ... ومبسوط إنها عجبتك ... بقولك إيه ,
إيه رأيك لو أرجع بعد صلاة العشا نقعد مع بعض تحكيلى بتحبي إيه
ومبتحبيش إيه .. من ساعة ما اتخطبنا ماقعدناش مع بعض واتكلمنا كفاية
... تمام ولا ؟

-لا ماشي .. تمام
وبعد انقضاء أيام العيد .. وقد حان وقت ذهاب أحمد وأسرته ... فيجد
سارة واقفة في الشرفة شاردة ... فيطرق الباب بخفة

-مممكن أقف معاكي شوية ؟
-آه طبعا (ابتسامه خفيفة)
-على فكرة هتوحشيني أوى ، وعلى فكرة كمان كانوا أحلى أيام عيشتهم في
حياتي وأحلى عيد قضيته
-أنا مش عايز منك غير حاجة واحدة بس .. ابقى كلميني .. لو انشغلت
عك كلميني .. ماشي ؟

-أحمد

-نعم

-هو انت ينفع متمشيش دلوقتي ؟ ... خليكوا كمان يومين
-(ابتسامه) يعنى مكناش ضيوف تقال عليكِ (ابتسامه خبيثة)
-لا .. لا طبعاً

-طيب هوحشك ؟

- (تبتسم وتنظر لأسفل)

-عارفة أحلى حاجة فيك كسوفك وبيخليني أحبك أكثر, عايزك تحافظيلي على نفسك . . . خليكى هنا علشان تشاوريلي وأنا في العربية وأبقى شايفك كويس ماشي ؟ (ويستدير ليمشي)

-أنا كمان

-فيقف مكانه ولا يستدير

-أنا كمان . . كان أحلى عيد قضيته في حياتي . . أحمد . . شكراً . . شكراً على كل حاجة عملتها لي ومن غير ماتقصد بينتلي قد إيه إني محظوظة بيك - (فيستدير) بجد ؟ بس المهم عندي ده (ويشير إلى قلبه) . .

يعنى أنا مش عايزك تكلمي معايا علشان أنا بحبك, أنا عايزك تكلمي علشان انتِ بتحبييني

-بس أنا فعلاً حبيتك . . . أو بمعنى أصح شوفتك

-أيووووة . . ده اليّ أنا قصدي عليه . . مكنتش عايز غير إنك تشوفيني . . (ابتسامة) . . . ممكن بقي أمشي لأن كلمتين كمان زي دول وهحلف

مانا مروح (ابتسامة عريضة)

- (ابتسامة عريضة) ياريبيت

-لااااااااا . . ده أنا لازم أمشي دلوقتي حالاً

-ههههه ماشي . . . سوق على مهلك . . . لا إله إلا الله

-سيدنا محمد رسول الله ,سلام . . . يلا بصيلي من البلكونة . . هتوحشيني

-وانت كمان

-يلا سلاااااااا

صدمة

تجلس فتاة مع طفل صغير تلاعبه وتضحك معه فتدخل سيده
-حتى وانتِ بتلعبى مع عمر عينيكي مليانة حزن ودموع؟!
-غصب عنى يا ماما , قلبي واجعني أوى . . مصدومة ومش عارفة أصدق
لحد دلوقتي
-يا بنتي ده قدر ومكتوب , ربنا يرحمه ده نصيبه . . . ويصبرك . . بس
لحد امتى ؟
-لحد آخر يوم في عمرى , وجدى مكنش جوزي ولا حبيبي وبس , وجدى
كان كل حاجة . . مينفعش يتنسى . . ومينفعش مزعلش عليه العمر كله
-ماشى يا بنتي بس الحى أبقى من الميت . . صحابه الأربعة اليّ اتقدمولك
كلهم أحسن من بعض , وكلهم كان الله يرحمه ويشكر فيهم . .
-كلهم كويسين . . بس كلهم طمعانين في المعاملة اليّ كنت بعاملها لوجدى
والحب اليّ كنت بحبهوله . . لأنه كان بيحكيلهم دايماً وهما كانوا شايفين
ده بعينهم
-وماله يا بنتي مش عيب , صلى استخارة وشوفي مين اليّ يناسبك فيهم
وكملي حياتك متوقفهاش
-حياتي هتكمل وأنا عايشة على ذكرى وجدى . . لكن هتقف لو أي راجل
تاني دخل حياتي . . لو سمحتي يا ماما بلاش نتكلم في الموضوع ده تاني
وبعد مرور الأيام تُفاجئ بزيارة هيّ الأولى من نوعها حيث تخبرها والدتها

بوجود كريم (أخو زوجها) ينتظرها في الصالون , فتخرج إليه
-أهلاً .. إيه الأخبار ؟

-تمام .. انتِ عاملة إيه وعمر .. وحشتونا ... مجيتوش بقالكوا فترة
-معلش والله ... كنت مشغولة خالص الفترة الي فاتت دي .. يعنى ..
بدور على شغل وكده
-شغل؟! طب ليه ؟

-يعنى .. منه أشغل وقتي .. ومنه .. يعنى عمر بيكبر وهيبقي في
التزامات وحاجات تانية

-لا طبعاً .. متقوليش كده .. عمر مسؤول مننا .. وبعدين لو احتاجتي
أي حاجة اطلبيها مني على طول متتكسفيش

-ربنا يخليكوا ليه يارب , تشرب إيه بقى

-لا ولا حاجة .. كنت عايز أسألك سؤال كده .. لو مياضيقيش طبعاً
-آه طبعاً .. اتفضل

-مفكرتيش تتجوزي وتبدأي حياتك من جديد ؟

- (ابتسامة) إيه , خايفين على عمر ؟ ... وبعدين الحياة مش بتبتدي من
جديد بمجرد إن حد يسيبنا ويمشى , ولا المشكلة في راجل كنت عايشة معاه
ومات , المشكلة في وجدى نفسه , وجدى ميتعوضش وميتكررش , وجدى
مكانش بيعمل معايا حاجات كتير لمجرد إنه بيحبني , لا .. كان بيعمل لأنه
هو كده .. راجل بجد وحنين وطيب .. معتقدش إن في واحد في الدنيا
هيستحملني وأنا بيعيط وأنا بزقق وأنا متوترة وأنا مخنوقة من غير سبب ,
ولا وأنا مجنونة وعايزة أروح الملاهي دلوقتي حالاً وعايزة أكل أيس كريم
في عز البرد في نص الليل ويقوم يلبس هدومه في تانية وينزلني أكل وأشرب

وأجرى وأضحك وأعمل كل اليّ أنا عايزاه في اللحظة اليّ أنا عايزاها مش
بعدين . . . محدش هيفهم أنا أقول إيه من قبل ما اقوله ولا هيعرف امتي
يطبطب عليا وامتي يسيبني لوحدي علشان مش عايزة اتكلم , محدش
هيكونلي أب وأخ وصاحب وحييب وضره وسند في وقت واحد ومن غير ما
اطلب (ثم تأخذ نفس وتنظر له) ايوه أنا خايفة على
نفسى , خايفة كل اليّ افكرته عادى وطبيعي ومحستش بقيمته . . يطلع
عليا وألقى العكس تماماً . . ويبقى عقاب مش حياة جديدة . . أنا بحبه
لدرجة إني من ساعة ماحييته وأنا مش عارفة أشوف أي راجل تاني لا حلو
ولا وحش , لا كل الرجالة هو, هو الراجل الحلو وهو الراجل الطيب وهو
الحنين وهو العصبى , كل الرجالة كانت هو ولحد دلوقتي , مش عارفة
أشوفهم ولا عايزة أشوفهم , عايزة أفضل عايشه على ذكراه وعلى كل لحظة
عدت علينا سواء حلوة أو وحشة , لكن لو حد تاني دخل حياتي يبقى أنا
بمحي كل حاجة كانت بينا , مينفعش أبداً حياة جديدة مع راجل , أنا حياتي
الجديدة مع ابني وذكري وجدى وبس

-وأنا موافق

-!!!!!!-

-أنا . . بحبك

.....-

-بحبك من اول يوم شفتك فيه , حتى وانتِ خطيبة أخويا حتى وانتِ مراته
, لقيت نفسى غصب عنى بحبك وغصب عنى مش عارف أبطل تفكير فيك
, حاولت كتير إني أنساك أو أنشغل عنك بأي حاجة تانية مقدرتش , أنا مش
عايز منك غير إنك تديني فرصة وصدقيني هعمل معاكي كل اليّ أخويا كان

بيعمله ، وزى ما اديت لنفسى فرصة إني أحبك وإنتِ بتاعة أخويا هكون
راضى بجزء منك واسيبك عايشه على ذكراه بل على العكس أنا الي هفكر
بيه علشان تبقى مبسوطه وراضية عنى , أنا بجد بتمنى توافقي تتجوزيني
... عن إذنك

وإمشى ويتركها في حيرتها وصدمتها !!

-مالكيش إزاي ،، طيب طارق بيقولك إنه بيرن طول النهار ومبتديش
-هو كلمك؟!

-ايوه

-طيب ياماما لو سمحتي لو كلمك تاني متريديش

-ليه؟! انتوا متخانقين ولا إيه ؟

-لا

-أمال في إيه

-مفيش ياماما . . . لو سمحتي سبيني لوحدي

-حاضر

وبعدما تخرج والدتها . . تجلس على الكرسي محدثة نفسها . .

-طارق أخو نهى؟!!! . . الإنسان الوحيد الّـي حبني وحببته يطلع أخو نهى

،، أعمل إيه بس يا ربي . . . أعمل إيه؟؟؟ ثم تبكى

وبعد مرور الأيام . . تدخل والدة فريدة الغرفة فتجدها جالسة متربعة

على سريرها سارحة في ملكوت آخر قد انتفخت عيناها من البكاء والسهر

-فريدة . . . مالك يا حبيبتي قوليلي إيه بس الّـي حصل ، بقالك أسبوع ع

الحال ده . . والّـي فهمته من طارق ان محصلش بينكوا أى مشاكل حتى هو

مش فاهم إيه الّـي حصل ليه يابنتي

- (تمسح دموعها ببطء) . . . أنا مينفعش اكمل مع طارق يا ماما . . .)

(بكاء)

-ليه . . طب فهميني

-أنا هحكيلك عشان لو محكيتش لحد هموت (بكاء)

زمان وأنا في خامسة ابتدائي طلبوا مننا نرسم لوحة في مادة العلوم ، وكنت

أنا ونهى في فصل واحد فقالتلي نشترك سوي أنا أدفع فلوس وباباها يرسلنا
علشان بيعرف يرسم كويس . . فروحت معاها البيت بعد الدرس والوقت
كان شتا فالدنيا ضلمت بدرى أوى . . وفعلا باباها بدأ يرسم اللوحة وبعد
شوية سابتنا نهى وخرجت مش عارفة راحت فين فبصيت
فجأة لقيته بيقولى تعالى أعلمك ترسمي ازاي وفعلاً فرد اللوحة على المكتب
ووقفن ووراي . . . و . . و (ثم تضع يديها على وجهها وتنهار)
-يامصيتي ، وانتِ ليه مقولتيش ساعتها

-كنت صغيرة ومش فاهمة ومش عارفة إيه اللي بيحصل . . . وغلط ولا
طبيعي
-طيب كملني

-مفيش فضل حاضني ومش راضي يسبيني وأنا بقوله إني هشوف نهى
راحت فين وهو يقوللي زمانها جاية وكان بيتحرش بيا وكان لسه هيلمس
صدري ، سمعنا صوت ، فبعد عنى بسرعة ، وفعلاً كانت نهى جت الحمد
لله ، فقمتم مروحة بسرعة لأنى حسيت إن في حاجة مش كويسة بس مش
فاهماها ، ومدخلتش بيتهم تاني ، بس لحد دلوقتي مش قادرة أنسى أي
حاجة وحاسة إنه دمرني نفسياً في فترة معينة ، أنا مقدرش أتجوز طارق
ياماما علشان ده باباه ، علشان مينفعش إني أعيش مع الراجل ده في بيت
واحد أو عيلة واحدة ، ومش خوف على نفسى ، بس أنا فعلاً بكرهه ، وكمان
مش هآمنه على ولادي بعدين ، مقدرش ياماما . . . مقدرش (بكاء)
-عندك حق ، بس طارق لازم يعرف . . . أو على الأقل لازم يفهم انتِ ليه
سبتيه فجأة

-مينفعش ياماما ، مينفعش لا أقوله ولا أكذب عليه ، مينفعش

ضحية . . ولكن !!

وراء شاشة جهاز كمبيوتر تجلس سيدة في منتصف الثلاثينات وأمامها صفحتين للدردشة إحداهما باسم أحمد والأخرى باسم حمزة , ثم تدخل فتاة ترتدى الزي الرسمي للمدرسة الثانوية وترمقها بنظرة غريبة

-عايزة أكل

-طيب غيرى هدومك على ما أجهز الأكل

-تجهزيه يعنى إيه

-يعنى أطبخه

-طيب أنا هدخل أنام أحسن

فتدخل تلك الفتاة الغرفة ومازالت السيدة جالسة غير عابئة بما يدور حولها وبعد مرور ساعتين تخرج الفتاة من غرفتها فتجد السيدة ما زالت في مكانها

-عملتي الأكل

-لا , خرينا بقي نقضيها تونة وسلطة

-اممممم . . (فتقف واضعة يديها أمام صدرها) ويا تري بقي بتكلمي

مين فيهم أحمد ولا حمزة ولا الاتنين؟؟؟

- (فتنظر لها بصدمة) إيه اليّ انتِ بتقوليه ده ؟ !

-إيه فكراني مش عارفة حاجة ولا فاهمة حاجة , تحبى أقولك قصتك مع

كل واحد فيهم واسمك وسنك ,, إيه اليّ يخليكي تفهمي واحد قد ابنك انك

بتحبيه ,, ازاي بتقدري تتكلمي معاه كده وازاي بجد مصدقة إن انتِ فعلاً

عندك ١٧ سنة؟؟ ولا الأستاذ حمزة . .

-اخرسي

- (ترنفع نبرة صوتها أكثر) لا مش هخرس , إيه مش عايزة تعرفي أنا شوفت إيه , مش عايزة تكتشفي إن بنتك شافت القرف الي بتعمليه , بعد كده هتعملي فينا إيه تاني . . . هتقلبلنا البيت دعارة ؟
-اسكتي

-لا مش هسكت , ما أنا ياما سكت وياما عملت نفسى مش واخدة بالي وياما دخلت اوضتي وعيظت لوحدي وانتِ ولا انتِ هنا وفكراني مش فاهمة حاجة ولا عارفة حاجة . . .

- (وهى تبكى) أه بيعت نفسى وبنام مع الرجالة في التليفون , علشان تاكلي الي بقيتي بتاكيه وتلبسي الي انتِ لابساه ده . . أُمال كنتِ عايزاني أسيبكوا لأبوكوا البخيل لما يعركوا , انتِ فعلاً متعرفيش حاجة , متعرفيش أنا عايشه مع أبوكي ازاى ولا كام مرة حرق دمي ولا كام مرة حرمني من حاجات نفسى فيها زي أي واحدة نفسها تحس إنها انسانة مش حيوانه ! .. وجايه تكلميني دلوقتي على انك الضحية , لا محدش ضحية غيرى , أنا الي تجاوزت واحد أكبر منى ب ١٥ سنة وغصب عنى وأنا كنت لسه بفتح عينيا على الدنيا لسه معرفش يعنى إيه بيت ومسؤولية . .

-متبرریش الي انتِ بتعمليه , الي انتِ بتعمليه ده حرام وفلوسه حرام وأنا مش عايزة منك حاجة (وتدخل غرفتها وتغلق الباب بشدة)
ثم تقف الأم مذهولة ودموعها على خدها فتمسحها وتدخل غرفتها تمسك بهاتفها وتطلب رقم

- ايوه يا حمزة , لا يا حبيبي مفيش ده أنا كنت بتخانق مع أختي مش راضية تديني حاجة , فكك . . إيه . . اه يا حبيبي روحت سحبت الفلوس النهاردة , انتِ فين (ثم تنام على السرير)
أنا لابسة القميص الأحمر اهو ومستنيك !!!!

بنت مش جريئة

تمشى فتاتان على الكورنيش نهارًا تتحدثان

-مالك يا داليا !

-تعبت يا سلوى .. تعبت , حاسة إني بجري في مكان كبير مالوش أول من آخر وبشوف من بعيد إني خلاص قربت أوصل بس أول ما اقرب واحس إني خلاص هاخذ نفسى وابطل جرى ألاقيني لسه موصلتش وانه كان سراب , نفسى بجد أقف واخذ نفسى من كتر الجري وأقول أنا وصلت .. أنا أهو . أنا موجودة

-مش فاهمة ,, بس حاسة إني نفسى اتقطع وانتِ بتحكي يخرب بيتك -ههههههه . . . والله انتِ اليّ مهونة عليا . . . يابت بقولك كل ما اقدم في شغل وأقول هيقلبوني ميقبلونيش , وكل ما اورى لحد رسوماتي يقولي آه حلوة بس احنا مبنغامرش بحد جديد , أمال يعنى لو مغامروش بحد جديد , الناس الجديدة دي كلها هتتعرف ازاي , وهيبقي عندهم الخبرة اليّ بيدوروا عليها ازاي !!

-ايووو . . . انتِ يا بت عاملة زي لهفة اليّ في المسلسل , كل حلقة يا حبة عيني تقابل ممثل مشهور وتقول هو ده اليّ هيوصلني , بس يخيب أملها ومتوصلش , لحد يا بت ما قابلت الست ميرفت أمين وهيّ اليّ ساعدتها . . خلاص احنا نروح للست ميرفت أمين وهيّ تساعدك -هههههههههههههههههههه . . والله أنا غلطانة إني بفضفضلك واحكيلك اليّ أنا فيه , لا وعلى إيه , أنا غلطانة أصلًا إني صاحبتك وعرفتك في يوم من الأيام

-ياختي . . تصدقي أنا غلطانة , يا بت صدقيني طول ما انتِ بتحاولي
هتوصلي إن شاء الله . . لهفة وصلت في الآخر , بس هيّ بقي كانت جريئة
مش خايبة زيك
-ايوه فعلاً , أنا كل مشكلتي إني مش جريئة , مش عارفة بتكسف ليه ,
ومبفضلش أزن على الناس . . . يقولولي لا . . يبقى لا
-ايوه ياختي كده ادردحي شوية , بت يا لولي . . لو في يوم من الأيام ربنا
كرمك وبقي عندك ياختي الأتيليه اليّ بيقولوا عليه ده . . . هتعملي
فساتين ببلاش ولا هتعملي نفسك مش عارفاني
-أنا؟! . . . ده أنا هاقطع علاقتي بيكي من دلوقتي , هههههه . . . لا عيب
عليك يا جده ده انت أنتيمي ,, تيجي نجرى
-في عز النهار كده . . . يلا هو في حد له عندنا حاجة , اجري يا لووووولي
وتتعالى ضحكاتها وتنسى كل منهما همها ويظل الجري مستمر
(^_^)

الكذب مالوش رجلين

تفتح فتاة باب شقتها بعد أن سمعت صوت الجرس فتجد فتاة أخرى تبكي

-ايه ده مالك ؟؟؟؟ ادخلي ادخلي

-الحقيني يا نشوة أنا حامل

-طيب يا حبيبتي مبروك , بس مالك بتعيطي ليه !؟

- (وبعد أن تجلس على الكرسي) . . . لا دي مصيبة يا نشوة

-مصيبة ليه ,, فهميني بس بالراحة علشان انتِ كده رعبتيني

- (فتمسح دموعها) انتِ أصلك مش فاهمة قبل خالد ما يسافر

بيوم كان عايزني . . . احم .. بس أنا قولتله إني عندي ظروف وكده , أصلى

كنت عاملة شعري عند الكوافير علشان العزومة اليّ كنت عاملهالكوا انتوا

وأهله وكنت حابه يبقى شكلي حلو , فقلت أقوله كده علشان أخلص . . .

فهماني ؟

-اممممم , ايوه . . كملني

-بس. . فهو سافر وفي اعتقاده اني عندي ظروف , يعني محصلش حاجة

بيننا خالص فلو قولتله دلوقتي إني حامل , مش هيبقي ليها تفسير غير إني

بخونه

-يا خبر أبيض !! لا طبعاً مستحيل خالد يفكر فيك كده

. انتِ بس اهدى وبالراحة كده , وقوليله الحقيقة وهو هيصدقك , صحيح

مممكن يزعل منك بس عمره ماهيفكر كده ,, وبعدين أصلاً مممكن يكون

ناسي . . . ما انتِ عارفة الرجالة مييركزوش زينا

ثم يجلس مع صديقه بعد أن يهدأ
-يا أخي بس بردة مكانش ينفع تقولها كده معلش أكيد مكنتش
تقصد تكذب عليك
-تقصد ولا متقصدش لازم تتعلم انها متكذبش عليا أبدا مهما حصل , خليها
بقي تتعلم الأدب شوية ,, لازم تعرف إن الكذب بيخرب البيوت ومش
وسيلة سهلة أبداً وإنه فعلاً مالوش رجلين وكده كده الكدبة بتتكشف

العاقل لما يحب

يدق جرس الباب فتذهب فتاة لتفتح الباب
-أهلاً ياختي . . . ادخلي
-أطير يعني . . . ما انتِ عارفة الزحمة يا ست هانم (وتسلما على بعض)
-عاملة إيه بقالنا كثير ما اتقابلناش
-مانتِ عارفة الشغل وقرفه . . . وانتِ إيه أخبارك في الحياة
-عادي , (وهما تجلسان في الأتريه) .. قراية ونت وقراية .. شوية شغل
في البيت مع ماما , وقراية وبس , يعني ملل
-امم يادي القراية , طب والحب
-بقولك قاعدة في البيت , هيجي منين الحب
-ولسه بردة ملقتيش شغل
-لا . . لسه
-إن شاء الله لما تلاقى شغل هتلاقي الحب
-ياستي , مش فارقة محدش عارف بكره فيه إيه , وبعدين بصراحة بقي
أنا كثير جداً بحس إن مفيش حد ممكن يحبني , يعني , مش حلوة أوى
وبتكسف ومليش في حاجة في الدنيا دي كلها غير القراية . . . ومعتقدتش
إن في حد دلوقتي بيحب كده . . . الناس عايزة البنت الفرفوشة الدلوعة
, انما أنا لا
-إيه اليّ انتِ بتقوليه ده بس , لا طبعاً كل واحد بياخذ نصيبه , مش
هتغدينا بقي ولا إيه

الشحنة والضغط بتاع طول السنة
-فعلاً

-علشان كده بحسدك على قدرتك على اختيار الوسيلة , وده الي مش عارف
أحدده مع نفسى

-طيب ما تجرب تجرى برده

-معتقدتش انه ينفع , حاسس إني كبرت على الجري

-طبعاً تقصد روحك وهمومك ومشاكلك مش سنك .. مش كده ؟

-تمام

-فيرن هاتفها .. ماما بترن عليا علشان الفطار وكده , فرصة سعيدة ...
عن اذنك (فتقوم وتنصرف)

-مع السلامة (بإماعة من رأسه)

-بس نصيحة منى جرب تجرى .. واضح انك مصعب الأمور أوى .. ()
وتتركه وتمشى بابتسامه خفيفة

وبعد الظهر , يجدها تجلس في التراس ومعها كتاب قد اندمجت معه
وتركت العالم من حولها

وفي اليوم التالي وأثناء جريها بعيداً عن الشاليه تجده يمشى على البحر
-إيه ده , صباح الخير ... إيه أخذت بنصيحتي

-يعنى .. نقدر نقول نصها بس .. قررت إني أتمشى بلا هدف

-تمام , مش هعطلك .. سلام

وفي عودتها تقابله أيضاً مازال يمشى

-إيه الأخبار (بنفس منقطع)

-تمام .. وانتِ

-تمام أوى . . . خلاص مش قادرة

-خلاص تعالى نرجع سوى مشى

-امم . . تمام

وبعد قليل من الصمت يقول وكأنه يحدث نفسه

-اليوم الأول كان يوم الشك

(فتنظر له بدهشة) فيكمل والثاني يوم اليقين العظيم)

فتنظر له بدهشة أخف تصاحبها ابتسامة ثم تقول

-والثالث الندم والرابع الأفضل إيه مستني اليوم الرابع

مش كده

-يعنى حاجة زي كده , بس المهم ان اليوم الثالث ميحيش وتتخطاه)

ابتسامة (. . . بس واضح انك متأثر بكافك

-وواضح إني مش لوحدي , طيب ايه رأيك في دوستوفيسكي

-يبيه . . . مش بفهمه خالص , مش عارفة . . . يعنى مش قد كده

-اممممممم . . . طيب هوجو

-لا ده حبيبي , سهل بس بيقول كلام تمام أوى ,, وليه مقولة بعترها مبدأى

-إيه هيّ ؟

-ابدأ بما هو صحيح وليس بما هو مقبول

-وانتِ بدأتى

- (ابتسامة) . . أحياناً . . أنا همشى بقي . . سلام

-سلام

وفي الليل تتحدث في الهاتف مع صديقتها

-مش عارفة , هو من النوع الثقيل أووى . . . أوى يعنى . . بس فيه حاجة

بتشدك .. مُثقف جداً وفاهم وتحسى انك متشبعيش من كلامه
-حلو ؟

ا-ه .. يعنى ... حلو (ابتسامه)

-الله .. ده احنا وقعنا بقي .. ههههههه

-ياختي ماهي دي المشكله , وإيه الفائدة لو تعلقت بيه وبعد كام يوم كل
واحد هيروح لحاله ولا هشوفه ولا هعرف عنه حاجه تاني , أنا محتارة أوى
ومخنوقة أوى .. مكنتش عايزه اتعلق بحد أبداً ... وفي نفس الوقت كل
ما احس إني ممكن ما اشوفوش تاني اتخنى أكثر (تنهيدة)

وفي اليوم التالي يتابعها من الشاليه فيجدها تمشى ببطء وكأن هناك حزن
أصابها وبالفعل يلاحظ أنها جلست على الرمال ولم تجرِ كالعادة , وبعد
قليل يقرر الذهاب إليها , وبالفعل يقف على مقربة منها وهو ينظر إلى
البحر

-تعبتي ؟

-لا عادى ... بس .. يعنى .. مش في الموود

-حلوة اوى كلمة مش في الموود , بنهرب بيها زي ما احنا عايزين , والي
قدامنا بصراحة بيساعدنا ومبيحاولش يسأل في إيه , مع اننا بنبقي عارفين
.. بس مش حايبين نتكلم

.....-

-عارفة السفينه اليّ هناك دي .. طول عمرى بيبقي نفسى أكون فيها
لمجرد إني أعرف إيه اليّ وراها , وهيّ شايفه إيه أنا مش شايفه , بس ولا
مرة حاولت أوصل للمكان اليّ يخليني ألقى السفينه دي
-ماهيّ الفكرة في كده .. اننا كتير بنتمني بس مبنحاولش , مع إن لو حاولنا

ممکن أوی ننجح ونوصل

-بالظبط

- (وبعد قليل من المناقشات الخفيفة) انت غريب أوی على فكرة .. انت
عرفت تخليني تمام من غير ما تتطفل عليا أو تحاول تعرف مالي
-بصي ... أنا جبتلك حاجة
-حاجة !!؟

-أنا عمري ما جبت حاجة للبنات , تمام .. فمش عارف إذا كانت هتتعجبك
ولا لا .. ومش عارف أنا جبتها ليه , بس أنا أول ماشوفتها فكرتني بيكي ,
انفضلي (ويعطيها عقد)

-لا طبعاً ... أنا مش هاخده , (وهى تقوم من مكانها) أنا أصلاً مش
عارفة أنا ليه تكلمت معاك من البداية وده اليّ مضايقتني , وبعدين أنا
عمري ما جالي حاجة من حد
-عارف ... بس ..

-عارف ؟ !! .. يعنى إيه عارف ... آه أكيد طبعاً قلت دي وحشة وعمرها
ما حد عبرها ولا جابلها حاجة , مش كده .. لا حضرتك أنا عمري ما جالي
حاجة علشان عمري ما تكلمت مع حد ولا اديت فرصة لحد انه يكلمني ,
ومش عارفة بجد أنا ليه تكلمت معاك .. بس عندك حق تقول عليا مش
محترمة .. انت شايفني مش محترمة ومش كويسة علشان كده جبتلي
العقد .. مش كده

-لا طبعاً ,, إيه اليّ انت بتقوليه ده ... أكيد مش ده قصدي
-قصديك ولا مش قصديك , دي غلطتي أنا .. مش انت .. عن اذنك (وتمشى
مسرعة)

(فيضع يده على شعره بقلة حيلة وضيق وهو ينظر عليها وهي تبتعد)
وفي اليوم التالي لا تأتي كعادتها ولا تخرج حتى من غرفتها . . . فيزداد ضيقه
وحزنه

وفي اليوم التالي لا تخرج أيضاً ولكن عند العصر يلحقها من بعيد وقد غيرت
مكانها فيذهب إليها وقد جلست على صخرة ولأول مرة يقف أمامها مباشرة
فتنظر إليه بضيق وعتاب ثم تبتعد بنظرها عنه

-أنا آسف , آسف إني ضايقتك , وإني خليتك تعتقدي انك حد مش محترم
. . . بس عايز أقولك حاجة انتِ لو مش محترمة مكنتش حاولت أكلمك
من البداية أصلاً

-تمام . . . ممكن أمشي بقي

-لا . . ثواني , عايز أقولك حاجة

-اتفضل

-بحبك

-!!!!!!!???????

- ايوه بحبك وعايز أتجوزك . . وانتِ مش وحشة بالعكس انتِ أمورة أوى
, ومحترمة ومؤدبة , وأنا عمر , ٢٩ سنة , مهندس , ومن بلدك , يعنى مش
هزار مصايف ولا أنا بتسلي ولا أي حاجة من كل ده

-بس أنا مش موافقة

-ليه؟! (بدهشة)

-لأنك كئيب مش بتضحك . . انت حتى مش بتبتسم

- (ابتسامة عريضة) لو ده اليّ هخليكي توافقي . . هفضل ليل نهار مبتسم
كده . . تمام ؟

الحليم إذا اتجرح !

يجلس رجل وامرأة في منتصف الأربعينات تقريبا في غرفة الصالون وقد خيم الصمت عليهما قليلاً . . فتقرر هيّ قطع ذلك الصمت بدموع في عينيها . .

-يعنى خلاص قررت ؟

-ايوه

-ليه ؟!

-مفيش حاجة اسمها ليه , أنا راجل ومن حقي أتجوز واحدة واتنين وأربعة , شفتها وعجبتني وهترجعلي شبابي الّی ضاع

-وانا مين يرجعلي شبابي وعمري الّی ضاع عليك انت وعيالك

-انتِ هتعكي ولا ايه . . . أنا قلتلك بس عشان تبقى عارفة وعشان مش عايز فضايح . . حسك عينك تعملي أي حاجة . .

- (بدموع قهر) ماشي اتجوز زي مانت عايز , بس سيبنى أربي العيال . . أنا ماليش مكان ثاني أروحه

-كويس انك عاقلة افكرتك هتخيبي وتطلبي الطلاق

ويتركها ويخرج . . . وبعدها تدخل غرفتها ببطء وتغلق الباب بالمفتاح ثم تنهمر في البكاء بصوت مرتفع مقهور ثم تجلس على السرير تحدث نفسها بعد ما ضيعت عمري كله معاه راح يتجوز عليا , وعلشان طول عمري بسمع كلامه ومبعارضهوش بقيت خايبة . . حسبني الله ونعم الوكيل

وبعد أسبوع يأتي إليها معطياً إياها ورقة فتنظر فيها . . فتُصدم

-بس هتفضلي عايشه في الشقة دي علشان الولاد
-(بغيط مكتوم) لا كتر خيرك والله . . . ده أنا قلتك بلاش طلاق واعمل إليّ
انت عايزه . . عيالك يرفعوا عينيهم في وش صحابهم ازاى دلوقتي وبنتك
على وش جواز دي
-ام ام مالكيش دعوة , أنا هتصرف , بس العروسة موافقتش تتجوز
على ضرة

-آآآآآآآآه ,, لا إذا كان كده ماشي , بس أنا كمان معايا ليك ورقة
-ورقة ايه دي !?

-ورقة , ورقة تحاليل ,, كنت مخيياها عليك . . الدكتور طلب منى إني
أقولك وأنا رفضت وقلتله علشان حالتك النفسية متدمرش وانك لو عرفت
انك عندك كانسر مش هترضي تتعالج وهتموت . . . وفضلت أديك العلاج
وانت مش حاسس

-انت بتقولي إيه يا مجنونة انتِ . . كانسر إيه ,, لا أنا سليم وزى الفل
-التحاليل هيّ إليّ هتأكدلك لو مش مصدقني , بس عارف أنا إيه إليّ
مفرحني . . . انك انت إليّ قررت تريحني من قرفك وقرف علاجك , حتى
مش هكون جنبك وانت بتموت . . . أصلى كنت ناوية أقف جنبك لحد
آخر لحظة , وعلى فكرة في نسخة من التحاليل دي مع العروسة , بس مش
عارفة لسه موصلتهاش تقريباً

أنا بردة قلت أوجب معاكوا زي ماوجبتوا معايا انتوا الاتنين ,, وتعالى قابلني
بقي لو وافقت تكمل معاك (وبغيط) خليك كده تموت
لوحدهك وتتعبذ لوحدهك ومتلاقيش حد حواليك . . ربنا مبيرضاش بالظلم
, وانت ظلمتني , وأنا مش مسامحاك . . . حسبي الله ونعم الوكيل فيك .

.. يلا .. اطلع بره بيتي أنا و عيالي .. روح كمل فرحك مع عروستك الي
مش خايبة زيي
فيمشي مُطأطأ الرأس مصدوم ومقهور لا يدري ماذا يفعل ولا إلى أين
يذهب وهي من خلفه تبكي ولكن ينتابها إحساس الانتصار .

احذر . . . البراءة !

تقف فتاة صغيرة في سن الرابعة تقريباً خلف باب غرفة والدتها تتنصت عليها

وفي اليوم التالي , يدخل الأب من باب الشقة , فلا يجد زوجته ولا ابنته فيبتسم حينما يسمع همسها فيقرر أن يمشی ببطء حتى يفاجئها ويداعبها وما إن يقترب مع غرفتها , حتى تزول الابتسامة بسرعة وينصدم من مشهد ابنته !!

فقد وجدها ترتدى الملابس الداخلية فقط وتجلس على ظهرها في السرير تداعب أطراف شعرها قائلة

-لا يا حبيبي . . مش ينفع تيجي دلوقتى . . المحروث زمانه جاي والبنت كمان هنا

فيُصدم صدمة تجعله يتراجع للخلف ببطء حتى يجلس على أقرب كرسي بجواره واضعاً يده على فمه , ثم يضعها على رأسه مفكراً فيم سيفعل . . .

ثم يقرر أن يخرج من صدمته بسرعة منادياً ابنته -احم . . . توتا حبيبة بابا (ويدخل غرفتها)

فيجدها واقفة أمامه ايه ده يا توتا . . ليه لابسة كده مش كده عيب . . . يلا البسي بسرعة علشان متاخديش برد

-حاضر يا بابا

-أمال ماما فين

-مش عارفة , قالتلي تجيب حاجات وتيجي

-ماشي يا قلبي , يلا البسي . . . وتعالى نتفرج على التلفزيون سوي
-حاضر

وبعد قليل تأتي الأم

-كنتِ فين ؟

-كنتِ بشتري شوية خضار

-تمام . . . أنا جالي سفر يومين ثلاثة كده تبع الشغل . . اسافر ولا بلاش

أسيبكوا لوحدكوا

-لا طبعاً سافر , هو احنا يعنى العفريت هياكلنا

-تمام ,, ابقى طيب جهزي الشنطة . . وأنا هنزل لواحد صاحبي شوية

وراجع تكوني جهزتي الغدا

-ماشي

وبالفعل يأخذ حقيبته ويخرج من المنزل في اليوم التالي , ولكنه لا يسافر , بل

يدخل العمارة المقابلة لبيته ويصعد أعلاها , وأخذ يراقب مدخل عمارته . .

وكان قد جهز هاتفه المحمول الصغير الذى لا يستخدمه كثيراً على وضعية

الرد الآلي ووضعه على الصامت حتى يسمع ما يدور في منزله, وبالفعل

بعد قليل قامت زوجته بالاتصال بعشيقها ودعته إلى القدوم للمنزل بعدما

أخبرته بسفر زوجها وذهاب ابنتها إلى الحضانة فانتظر وانتظر حتى دخل

رجل غريب إلى عمارته فنزل مسرعاً وسأل البواب عنه فأخبره بأنه يتردد

على العمارة بحجة أنه أخ لزوجته فتلجلج الزوج . . . وأخبر البواب بأنه

ابن عمها وأخيها في الرضاعة لذلك لم يتعرف عليه جيداً ثم صعد مسرعاً

إلى شقته وفتح الباب ببطء حتى دخل إلى الغرفة فوجدهما في السرير . .

فانتفضت وصرخت ثم قال ببطء شديد

-خد هدومك واطلع بره

وبالفعل خرج هذا الرجل مسرعاً عارياً يحمل ملابسه ليرتديها بالخارج وظلت هيّ تنتفض وترتعد , وتنظر إليه بكل رعب الدنيا , وما إن سمع صوت غلق باب الشقة , حتى أخرج من جيبه ورقة وابت . . خدى امضيلى على التنازل ده . . . تنازل عن كل حقوقك وعن البنت . . ومش عايز أشوف وشك حواليا نهائي , وانسى ان ليكي بنت أصلاً , اليّ لولاها ما كان هيكفيني روحك , أنا مش هعمل فيك أي حاجة علشانها . . هيّ وبس . . تعيش من غير أم أحسن ما تعيش مع أم قذرة . . (وبصوت مرتفع) امضى

وبعد أن تمضى بدموعها وخوفها يأخذ منها الورقة ثم يمسكها من شعرها بقوة فتصرخ فيلطمها على وجهها فتصرخ بقوة أكثر . . . -دي مش عشاني , دي عشان بنتك شافت جزء من قذارتك , ربنا يقدرني وأعرف انسيهولها , انتِ طالق , قدامك خمس دقائق تلبسي هدومك وتغوري من هنا بالهدوم اليّ عليكي وبس , متفكريش تاخدي معاي أي حاجة , أنا هولع فيهم علشان أشفى غليلي إني مولعتش فيك انتِ (وبصوت مرتفع) يلاااا غوري

كبرت صغيرتي

هذه فتاة تصعد السلم حاملة على ظهرها حقيبة صغيرة بسرعة محدثة نفسها بصوت مرتفع قليلاً

- كل يوم .. كل يوم .. ده إيه الكلية الزفتة دي , أووووف هو مفيش غيرنا يبهدلوه

فيقابلها شاب في غاية الوسامة والشياكة على السلم نزولاً

-هما مين دول اليّ بيهدلوكوا

فتقف في مكانها من الصدمة وتنظر إليه نظرة بلهاء ولا تجيب

- (ابتسامة خفيفة) بتبصيلي كده ليه ؟ .. إيه شكلي حلو؟!

-لا .. أنا عارفك .. صح ؟

-مش عارف (بخبث)

-انت أبيه محمود مش كده , آه انت , هما قالولي انك جاي النهاردة ..

حمدالله علي السلامة .. عامل إيه

-كويس .. لسه عفريته زي مانتِ .. لا وكمان طالعة بتكلمي نفسك

-اسكت يا أبيه , ده احنا طالع عينينا في الكلية دي

-يا شيخة اجري .. حته كلية تجارة ومش عاجبك .. أمال لو كنتِ دخلتيلنا

طب ولا هندسة كنتِ عملتي فينا إيه

-لا يا أبيه لو سمحت متقللش من شأن كليتنا

-لا يا ختي مبقللش , بهزر معاكي بقيتي في سنة كام كده , أنا سايبك وانتِ

٣ اعدادي

-في تانية

-تمام , جبتلك حاجات معايا من الكويت . . يارب تعجبك

- (ابتسامة عريضة) . . بجد ! ماشي شكراً

-طيب يلا اطلعي ارتاحي شوية وأنا هنزل اقابل صحابي , ونتقابل علي
العشا بقي . . أمي وأمك في المطبخ بقالهم سنتين لما نشوف هيعملولنا إيه
-هههه . . ماشي

ويتركها وينزل وتصعد هي السلم محدثة نفسها , هو أبيه محمود ماله
احلو كده (وتغمز بعينها)

وعلى مائدة العشاء يضحك الجميع مع بعضه , محمود ورنا ووالدة محمود
ووالده ووالدة رنا . . . ويحكى لهم محمود على بعض الأشياء التي كانت
تحدث معه في الكويت وقد لاحظ الجميع وجود بعض الألفاظ الكويتية
في كلامه ولم تفوتها رنا فأخذت تسخر منه ويضحك الجميع . . . وبعد
العشاء تجلس رنا ووالد محمود أمام التلفاز وتدخل الامهات المطبخ ثم يأتي
محمود فيجلس بجوارها فيقول لها هامساً

-حلو اوى البيرفم الي حاطاه ده , جايباه منين

-من الكويت

-بجد . . . ماشي يا عم . . . (وبصوت منخفض) بس بقولك إيه متحطيش
منه وانتِ خارجة

-ليه

-عشان حرام يا ختي , وبعدين مش ناقصين احنا يجي واحد يقولنا حبيتها
من أول شمة

-هيهيهيهيهي . . . على فكرة يا أبيه بقى دمك خفيف أوى من ساعة ما
رجعت من الكويت

-عارف ,, أنا مبهررش . . متخرجيش بيه . . ماشي

-حاضر

-قوليلي , عايزة أي حاجة أذاكرها لك

-لا . . . فإكر لما كنت بتذاكر لي زمان

-زمان إيه , انتِ هتكبريني بالعافية , مش كفاية سايبك تقوليلي يا أبيه . .

. ده احنا يا بنتي بينا كام شهر بس

-كام شهر إيه , انت اكبر مني بسبع سنين

-طيب يا ختي

وتمر الأيام ويأتي ميعاد امتحانات نصف العام وأثناء نزولها . . . تنزل

مسرعة محدثة نفسها

-والله بقي أنا هكتب اليّ انا عارفاه , لو جت حاجة مش عارفاه ماليش

فيه . . يبقى هما السبب مش أنا فيقابلها محمود أمام شقته

-تأاااااا . . . بتتخانقي مع مين المرة دي

- (فتفوجي به) احم . . صباح الخير

-صباح النور . . إيه كله تمام

-إن شاء الله , ادعيلي , سلام

-لا سلام إيه , أنا جاي معاكي

-معايا فين؟!!

-هو صلك الكلية

-إيه؟! . . لا يا أبيه مينفعش صحابي ياكلوك

-إيه?!?!!

-قصدي يعني ,, هيقعدوا يقولولي مين المُرّ الحلو ده . . ومين مش عارف

إيه وكده يعني

- (ابتسامة عريضة) طب وإيه يعني , أنا بحب البنات تعاكسني . . . يلا

يا ختي امشى قدامى

-طيب

وتمر الامتحانات وهو يوصلها إلى الكلية كل يوم وفي آخر يوم تنزل فتجده

منتظرها أمام شقته

-صباح الخير

-صباح النور . . . إيه اليّ انتِ حاطاه في وشك ده؟!!

-مم . . ما هو يا أبيه ده آخر يوم وبنتنصور أنا واصحابي وكده يعنى

- (يعطيها منديل) لا والله . . ! طب خدى امسحي

-حاضر (وتأخذ المنديل وتمسح الروج)

-كده حلو؟

-استني . . . (ويمسح لها بجوار فمها بعض من الروج فتخجل وتتجلجج)

-إيه اتكسفتي . . . يا بت ده أنا اليّ مربيكي . . . طيب إيه رأيك أفسحك

النهارة . . بما إنك سمعتي الكلام؟

- (فتفرح مهللة) بجد؟ فين

- (ابتسامة عريضة) . . في أي مكان تحبيه

-Yes

-يلا يا لمضة

وبعد الامتحان تجده في انتظارها أمام الكلية

يدخلا مطعم ليتناولوا الطعام

-أنا مش عارف أكلهم هنا حلو ولا لا .. صاحبي هو اليّ قاللي علي المطعم ده

-صاحبك ده شكله بيحبك أوى

-ليه

-قالك على اغلى مطعم في البلد

-بجد . . . طب يلا بينا نقوم بسرعة

.....-

-هههههههه . . . انتِ هبله يا بت انتِ . . . مش مهم , المهم يبقى
الأكل حلو ونبسط . . . هههههههههههههههه لا بجد شكلك تحفة وانتِ
مخضوضة كده

-لا والله . . . ماشي شكراً

وبعد الغداء . . . يتمشيان ويضحكان ويتحدثان وبعدها تمطر السماء ,
فتفرح بشدة وهو ينظر إليها مبتسماً , ثم يعودان إلى المنزل
وبعد مرور الأيام تخبرها والدتها بأن محمود قرر أن يخطب وأنه بالفعل
استقر على فتاة فتُصدم , ولكن لا تُظهر وينتابها الحزن . . وفي يوم من
الأيام , يقابلها على السلم

-إيه مبتكلميش نفسك يعنى
-عادى

-إيه مالك ؟

-مفيش مضغوظة شوية في الكلية

-يا سلام , مانِت طول عمرك بتشتمي في الكلية وانتِ طالعة وانتِ نازلة
علشان بتبقي مضغوظة

-عادى بقي يا أبيه , أنا ماشية . . . صحيح . . مبروك
-الله يبارك فيك , عقبالك

- (فتتركه وتمشى)

وبعد يومين وأثناء عودتها من الكلية تقابله على السلم
-مامتك بتقول ان في عريس وانتِ مش راضية تقابليه

-آه . . . إيه هتجوزوني بالعافية



-لا . . . بس تشوفيه , مش يمكن يعجبك . . وحتى لو معجبكيش تبقى
مزعلتيش مامتك
-عن إذنك يا أبيه

وبعد محاولات مع والدتها , وافقت على مقابلة العريس
وفي اليوم المحدد لزيارته , تدخل والدتها إليها في غرفتها
-إيه اليّ انتِ لابسا ده , انتِ منقية أقدم حاجة عندك ولابساها , وافردى
وشك ده شوية , ويلا علشان العريس جه
-(بصبية) ماما حاضر

فتدخل غرفة الضيوف مطأطأة الرأس حزينة لا تنظر إليه وبعد أن تجلس
, تتركهما والدتها فتسمعه يقول
-هو في حد بيقابل العريس بالمنظر ده

-(فترفع رأسها متفاجئة مصدومة وتنظر إليه) . . آآه , لما تبقى مش
موافقة عليه . . وكمان لما يبقى العريس غلس زيك
-تؤتو في واحدة تشتم الأبيه بتاعها وكمان عريسها ؟!!!!
-آآه . . انت غلس أوى على فكرة

-(ابتسامة عريضة) . . عارف . . بس اليّ مكنتش أعرفه انك بتحيينى أوى
كده

.....

-أحلى حاجة حصلتي يوم ما رجعت إني شفتك . . . دي البنوة جارتنا اليّ
ياما زعقتلها علشان متعلبش في الشارع واليّ ياما ذاكرتلها واليّ ياما سمعت
كلامي واحترمتني . . . كبرت واحلوت , فحسيت انك من حقي أنا , بتاعتي
أنا , التربية بتاعتي , الاحترام كان ليا والضحك واللعب والهزار حتى أيام
الشدّة اليّ كانت في بيتكوا أو بيتنا كانت واحدة . . . فخلاص بقي . .
